

SPORAZUM

o poslovnoj i tehničkoj saradnji

između

**JU „Centar za napredne tehnologije u Sarajevu“, Vilsonovo šetalište 9, 71 000 Sarajevo,
kojeg zastupa v.d. direktor, dipl.ing.maš. Ensar Mulaosmanović**

i

**WRIGG GIL d.o.o. , Trg heroja do br. 30, 71000 Sarajevo, kojeg zastupa direktor
ing.maš. Neven Brzica**

Član 1.

Ovim Sporazumom JU „Centra za napredne tehnologije u Sarajevu“ i WRIGG GIL d.o.o., definišu zajednički interes i izražavaju želju za uspostavljanjem poslovne i tehničke kao i drugih oblika saradnje u oblastima djelatnosti potpisnica Sporazuma.

Član 2.

Sporazum između potpisnica Sporazuma provodit će se u sljedećim oblicima:

- zajedničko učešće na domaćim i međunarodnim projektima,
- tehnička i konsultantska djelatnost u realizaciji domaćih i međunarodnih projekata,
- učešće u realizaciji ekspertskih djelatnosti zastupanja domaćih i stranih kompanija,
- razmjena naučnih iskustava i dostignuća,
- razmjena publikacija,
- organizacija i učešće u radu naučnih i stručnih konferencija, kurseva, seminara i radionica,
- ostale aktivnosti od zajedničkog interesa.

Član 3.

U okviru mogućnosti koje pružaju odredbe Člana 2. ovog Sporazuma, potpisnice Sporazuma će posebnim aneksom Sporazuma ugovorno definisati međusobna prava i obaveze u svakom konkretnom zajedničkom projektu.

Član 4.

Dogovorenu saradnju iz ovog Sporazuma potpisnice će implementirati na sljedeći način:

1. Zajednička tehnička i konsultantska djelatnost će se ostvarivati realizacijom bilateralnih i multilateralnih projekata, koji podrazumijevaju učešće i drugih subjekata koje nisu potpisnice ovog Sporazuma, kako iz naše države tako i iz drugih država.
2. Potpisnice Sporazuma će omogućiti korištenje opreme drugoj potpisnici u svrhu realizacije, zajedničkih projekata, programa i drugih oblika istraživanja.

Član 5.

Svaka potpisnica Sporazuma obezbijediti će vlastite izvore finansiranja za realizaciju konkretnih oblika saradnje ili će izvor finansiranja biti obezbijeden realizacijom zajedničkih poslovno-tehničkih i drugih projekata.

Član 6.

U slučaju dogovorenog konkretnog oblika saradnje članica potpisnica Sporazuma ugovorom će se definisati međusobna prava i obaveze potpisnica, a koji će sadržavati sljedeće:

- vrijednost ugovora, načine i izvore finansiranja,
- odgovorne nosioce realizacije ugovora i njihova ovlaštenja,
- tim tehničkih eksperata i drugih domaćih i stranih saradnika uključujući i studente koji će učestvovati u realizaciji projekta,
- specifikacija i iznos troškova koje snosi svaka potpisnica Sporazuma (ugovora),
- etička i materijalna prava koja proizilaze iz postignutih rezultata,
- način publikovanja rezultata
- procenat i način djeljenja profita iz ostvarenih zajedničkih poslovnih aktivnosti
- način rješavanja eventualnih sporova među potpisnicama i drugi detalje od značaja.

Član 7.

Svaka od potpisnica Sporazuma zadržava pravo prijave i realizacije tehničko-poslovnih projekata i drugih aktivnosti samostalno ili sa nekom drugom institucijom koja nije potpisnica ovog Sporazuma.

Član 8.

Ovaj Sporazum se zaključuje na neodređeno vrijeme. Svaka od potpisnica pojedinačno može zahtjevati raskid (otkazivanje) Sporazuma uz obavezu da drugoj potpisnici podnese zahtjev najmanje 2 mjeseca ranije.

Član 9.

Ovaj Sporazum je sačinjen u četiri istovjetna primjeraka od kojih svaka potpisnica zadržava po dva primjerka.

Član 10.

Sporazum stupa na snagu danom potpisivanja od strane potpisnica.

Javna ustanova
"Centar za napredne tehnologije u Sarajevu"

Dipl.ing.maš. Ensar Mulosmanović

v.d. Direktor



WRIGG GIL d.o.o Sarajevo

Neven Brzica ing.maš.

Direktor



Sarajevo, 06.01.2020. godine